

# ХАЛЬМГ УНИ

Советск Союзин Коммунистическ партин Хальмг тангъчин болн Элст балгъсна комитетсин куч-көлсчирин депутатрин Тангъчин болн балгъсна Советсин газет

№ 89 (2922)

1957 дж. сентябрин 19

Үннь 20 деншт

## Хаврин тэрэнд газр белдлгъиг цагтнь күүцэхмн

КПСС-н XX-ч хургин шиидвр-муд күүцэж, Алдр Октябрьск социалистическ революцин 40-ч өбниг аль-чигн кэдлмштэн ик үзмджтэгъяр тосхмн гидж мана Хальмг тангъчин колхозникуд, совхозмудин болн МТС-н кэдлчир шундж, цуг чидлэн тэвдэж, үнн седклэн өгч кэдлжэцхэнэ.

1957 джил мана Хальмг тангъчин МТС-д болн совхозмуд 218767 гектар газр хагълдж, ирх жилин хаврин тэрэ тэрлгэнд бел кех зөвтэ. Эн эрхн чинртэ кэдлмшиг эрт кедж күүцэх дутм ик сэн болхмн.

Урдаснь гүүнэр хагълдж белдсн газр, тэрэнд му хорлтан күүргдг ногъа уга кедж, унъгинь таслдж хайдж, ирх жилин хаврин тэрэнэ ургъц ясрулдж, буудан гарц икдүлнэ.

Намрар гүүнэр хагълад, хаврин тэрэ тэрлгэнд белдчксн газр, үвлин цаснас болн намр хаврин хурас икэр унд авч тэрэнд ик зокалта болдмн.

Мана Хальмг тангъчин МТС-муд болн совхозмуд хаврин тэрэнд газр белдлгънэ чинринь сэнэр медж, кесгнэ эн тускар кэдлмшэн чангъадж өбрхн цагин дунд зурагъан күүцэхмн гидж гүдждж йовна. Сентябрь сарин 15 күртл намрар газр хагълдж белдлгънэ зурагъан Приозерн рай-она „Приозерный“ совхоз 89,7 процент күүцэх, Яшалтинск района 105-ч номертэ совхоз 86,3 процент, эн района Соленовск МТС-н механизатор-муд 4736 гектар газр хагълдж белдх баяснэс 4298 гектар хагълдж. Яшалтинск район бүклдэн зурагъан 78 процент күүцэв.

Эн кэдлмшиг цань уга хаш-нгар кедж йовх МТС-үд болн совхозмуд мана тангъгъд бас баянэ. Западн рай-она 112-ч номертэ совхоз 10088 гектар хагълх зура-гъасн 2993 гектар күүцэж, эс-гилж 29 процент. Элст балгъсна „Буратинский“, Юс-тинск района „Енотаевский“ болн „Раздольный“ совхозмуд ода чигн намрар газр хагъл-гъна кэдлмшэн эклэд уга. Эднэс Приютненск МТС чигн холд одсн уга, икэр ходрдж йовна. 6900 гектар газр белдх баяснэс 1840 гектар хагъ-лдж—26 процент күүцэж.

Үлгүр болмар кэдлдж йовх механизатормуд чигн мана тангъгъд олн. Сарпинск рай-она хойрдгч номертэ совхо-зин 5-ч фермин тракторист үр Рыжов Павел өдр болгн 15 гектар хагълна, нормнь болхла 8 гектар. Поляков Алексей зурагъан 150—160

процент күүргдж күүцэнэ. Ма-ло-Дербетовск МТС-т үр И. Чертковин гардврт баях тракторн бригад „Путь к ком-мунизму“ гидг колхозд 2000 гектар газр хагълдж белдхэн бүклднэ күүцэхдэн өбрлдж йовна. Иигдж гүдждж, үнн седклэн олн-амтнэ кергт өгсн механизатормуд манд дала.

Эрдни-шишэ, нарн-цецг болн шикрин свекл тэрх газринь гүүнэр хагълх дутм сэн ургъц өгнэ, наадк культурму-дин газринь болхла невчк хэ-рэр хагълх кергтэ. Болв цу-гъаралнь цагинь уданар татл уга, эрт хагълсн газр ик чин-ртэ.

Эрдни-шишэ тэрх газран оланас темдгддж, гектар бол-гънд багъ гихдэн 10 тонн малин шег-бог болн нань чигн органическ удобрень тарадж хайдж, гүүндэн 25—27 санти-метр хагълдж, сентябрь сард күүцэх кергтэ.

Хаврин тэрэнд газр хагълдж белдлгъяр өдр-сө уга кэдлх кергтэ. Агротехническ некв-рэс кедү чигн хооран цух-рулго, газр хагъллгъна сан-муугъинь хэлэлгън—агроно-мин керг. Ямаран культур тэрхд газр хагълджахан, альк теегт хагъллгъна гүүнэ ямаран болхинь, тракторист болгн эрк биш медх зөвтэ.

Намрар газр хагълдж бел-длгън мана краяр октябрь сарин 15-д төгсх зөвтэ. Хав-рин тэрэнд газр хагълдж бел-длгънэ зура күүцэлгъиг МТС-үд болн совхозмуд гүдждж кедж, цугтнь күүцэж, Октяб-рин 40-ч өбнд сэн үзмджтэ белг белдх зөвтэ. Газр хагъл-гънд трактормудан цугтнь эрк биш орцулхмн, тракто-рист болгънд даалгъвр өгхмн, тууган күүцэх болн давулдж күүцэхд социалистическ дөр-лэдэ өргэр делгрүлхмн.

МТС-н болн совхозмудин директормуд, эклц парторга-низацин сеглэтрмуд, эн кэдл-мшиг эврэннь нүдн, оньгас хагъцулго, батар гартан авч, ирх жилин ургъц икдүлх гөр, эн цагин эрхн кергтэ кэдлмш гидж тоолх зөвтэ.

Хаврин тэрэнэ ургъц икдүл-гън намрар, цаглань, газр ха-гълдж белдлгънэ күүцл. Тер тэрдэн эн кергиг чинринь мар-гл уга КПСС-н райкомсин сег-лэтрмуд болн района күүцэгч комитетсин ахлачирэн кэдл-мшин йовудин тускар эрк биш өбрхн өдрмүдт, МТС-н болн совхозин директормуд сонь-сдж, цааранднь чангъадж, Октябрьск социалистическ ре-волюцин 40-ч джилэ өбниг сэн күүцлэр белг кедж тосхмн.

## Алдр Октябрин 40-ч өөниг уктдэж



Алдр Октябрьск социалистическ революцин 40-ч джилн өбнд нерэлсн социалистическ дөрлэдэн орцад, Элст балгъсна ремстройконтормн слесарь Г. Лисенко кэдлмштэн сэн дилврмүд бари: Элст балгъснд, 32 пэтртэ гер ясэж келгънэ кэдлмшт орцад үр Лисенко өдрэ норман 160 процент күүргдж күүцэнэ.

ЗУРГУТ: Г. Лисенко кэдлжэх цагинь.

Астахова Р. фото.

## Даалгъвран цаглань күүцэхмн

Ода Хальмг тангъчин цуг колхозникуд, совхозин кэдл-мшчир болн специалистир, хөбдин көг эрт тэвлгънд бо-лн мал үвлзуллгънд аргъ-чин-лэн нөл уга кэдлдж йовцхана.

Эрт хөд хургълулхн тэрдэ дулан хаша-хааце белддж, сэн шимтэ хот-хол белддж, үвлзх газрур хотинь зөбдж хурах кергтэ. Найдир хөбдин көг тэвлгънэ паг үрэл уга, кедү найдир хөбдт көг тэвх болна, тер темдгсн зурагъан цаглань күүцэх кергтэ.

Болв Яшкульск, Приозерн, Це-линн, Сарпинск, нань чигн рай-олт көг тэвлгънэ кэдлмш хаш-нгар кедлж йовна. Иим хаш-нгар цааранднь кедхлэ, най-дир хөбдт көг тэвлгънэ кэдлмш цагларн күүцэгдн уга.

Сарпинск болн Целинн рай-од найдир хөбдт көг тэвлгънэ кэдлмшин зурагъан зугл 3-4 процент күүцэж.

Целинн, Сарпинск, Приозе-рн райодин колхозмуд болн совхозмуд эртэр хургълх хөбдт дулан хаша-хааце бел-длгънэ кэдлмшиг йир хашн-гар кедж йовцхана. Сарпинск района „Ильича“ гидг колхозд эртэр хургълх хөбдт 7-н ду-лан хаша кергтэ баясн, тед-нэс ода күртл нег чигн хаша белн болад уга. „Путь ком-мунизма“, „Ленин“ болн Це-линн района „Ролена“ гидг колхозмуд бас эн кэдлмшиг муугъар кеджэцхэнэ.

Октябрин өбнд нерэлсн дөр-лэдэ өргэр делгрүлдж, дуту-дундсэн хурдар чиклх кергтэ.

Я. ФЕДОРОВ.

Алдр Октябрьск социалистическ революцин өбнин байрин сэн өдр улм өөрдэд йовна. Эн өдриг темдгхд советск күүн болгн чидлэн нөл уга кэдлдж, төрскндэн күүч-көлсн ачлин белгтэ ирхэр гүдждж йовцхана.

Хальмг тангъчин күүч-көлсчир! Социалисти-ческ дөрлэдэнэ залиг улм өөдэн падрулдж, улм омгта кевэр кэдлдж, туургсн диилврмүд бэрдж, төрскн Коммунистическ партэн болн Со-ветск правительствэн байрлулцхатн!

## Өөник байриг диилвртэгъяр тосджана

Элст балгъсна Ленинэ нер-тэ колхозин чледүд Алдр Ок-тябрин 40-ч өбниг сэн дилвр-тэгъяр тосхар шунмгъа кевэр кэдлдж, колхозин цуг эдл-уушиг улм цааранднь делгрү-лдж, өдр ирвэс шундж, ноол-лдж йовцхана.

Эн жилин долан сарин тур-шарт колхозин мал-гернь ик сэнэр өсв. Колхоз хө өсл-гънэ зурагъан 100,7 процент, бод малин зурагъан 125,2 про-цент күүргдж күүцэв. Эн хам-ги күүцэхн тэрдэ цуг колхо-зин хөбчир болн малчир эв-рэннь цогцан хээрлго, өдр-сө-гилго кэдлж йовсна ашнь.

Энджил колхозин 18 отар-мудар хөд хургълсн. Иил-гън сэн хөбчир үүрмүд Ма-лиев Я. П. зун хөбнэс 126 хургъ, Безруков В. Д. зун хөбнэс 125 хургъ, Гермашев П. Г.—122 хургъ, Пушкарев А. Д.—117 хургъ, Корниенко Т. И.—117 хургъ болн нань чигн хөбчир зун хөбнэс 110—111 хургъ авцхасн баянэ. Цуг колхозар болхла дундлад зун хөбнэс 111,2 хургъ авч.

Эн джил гань йир догши болв. Тегэд, иим күүнд джил болсн бийнь хөбчир эврэннь олн джилэ дамшлтан сэнэр олзлдж, хэлэдж, хөд, хургъ-дан нег чига гару угагъар хадгълджана. Иилгън сэнэр-хөбдэн асрдж, хэлэдж йовх ах хөбчир үүрмүд Семакин Н. А., Цикалов П. И., Мисю-рин И. П., Корниенко В. Г., Кузыченко П., Рвачев В. А.,

Пушкарев А. А. болн нань чигн хөбчир.

Ода отармудар хургъдиг экэснь салгъдж тер хургъ-дас онгдан отармуд бурдэгдв. Цуг хөбчир гарсн хургъдан эрүл-дорул хадгълдж, экэснь йилгъдж автл гару угагъар бэрхн кергт седклэн тэвдж кэдлжэв.

Колхоз сентябрин 10 күртл государствд өгх махна зура-гъан 100 процент, ус өглгънэ зурагъан 98 процент күүцэв, 153634 литр усн орулдж өггдв.

Бод малин бригадс дунд со-циалистическ дөрлэдэн Барда-ков Иван Кондратьевичин бригад өмн нүүрт гарв. Шин джилэс авн сентябрь сар күртл үр Бакуленко Любовь хэлэж асрджах үкрмүдэсн 12200 литр ус саадж авч, эс гилж үкр болгънас 614 литр ус саадж авч. Саалыч Перепелятникова М. К. үкр болгънас 540 литр ус саадж авч.

Август сард саалыч үр Куц Мария Федоровна эврэннь хэ-лэджэсн үкрмүдэсн 1875 литр ус саадж авч, Семенкова Мария Корнеевна—1800 литр, Гарева Лидия Ходжгоров-на—1513 литр ус саадж авч.

Ода колхоз мал үвлзуллгънд белдвиг тохнэтагъар күүцэхн тэрдэ эртэснь малин үвлзнь-гүр хот-хоолинь зөбдж, бел кедж, малин хаша-хаацсннь тосхдж, ясдж баянэ.

И. МАСЛОВ.

КПСС-н балгъсна комитетин инструктор.

## Эрдниев Мангъдин бригад түрүн нүүрт йовна

Приютненск района 4-ч но-мертэ совхозд хөбчирин 43 бригад болн боа малин 11 бригад баянэ. Туунэс хөбчир-рин 18 бригадт хальмгуд кэд-лж йовцхана. Тедн дотр, оньчта сэн хөбчир баянэ. 1956 джилн июнь сарас авн Эр-дниев Мангъд, Сохов Араша болн Надбитов Наймн ахта нертэ хөбчир болв. Бий де-рэн даадж авсн 1300 толгъа хөбгън сэнэр хэлэдж, асрдж, үвлэс нег чигн гару угагъар

гаргъла. Эн джил дундлад нег хөн болгънас 6,7 килограмм ноос киргъдж авч баясн болх-ла. Эрдниев Мангъдин бригад 8,2 килограмм күүргдж ноос киргъдж авч.

Ода эдн тус-тустан ах хөб-чир болдж кэдлжэцхэнэ. Төр-скн орн-нутгтан икэр мах, ноос өгхн кергт эдн шундж кэдлдж йовцхана.

АВАЛДЫКОВ Эрдни, поссоветин сеглэтр.

## Шин пилорам эклдж кэдлв

Элстни тоосх кедг заводт элвг 40 кэдлмшчир эврэннь гер бэрджэцхэнэ. Тедн болх-ла кэрдх модн баялг болв чигн пилорам уган учрар икэр турдг билэ.

Ода завод эврэннь шин пи-лорам тэвсн, циклдур шиш-лиг гер тосхлж баях кэдл-мшчиртэн модинь эклдж кэ-дэвр.

Түрүн болдж Джонов, Тюр-беев болн Нохаев эдн модан кэрдүлцхэв.

Гер тосхджах кэдлмшчир-тэн модинь кэрдчкэд, завод эврэннь тосхджах 15 пэтртэ герт орх харгъас кэрдхмн. Пилорамин мастер үр Золкин ик гидг дамшлтта шунмгъа кэ-длмшч.

ДАВАНОВА Полина.





